



Ársskýrsla
Menntaskóla Borgarfjarðar
árið 2014

Inngangur

Í ársskýrslu Menntaskóla Borgarfjarðar (MB) er farið yfir helstu þætti skólastarfs á liðnu ári og hvernig til hefur tekist við að ná markmiðum sem skólinn hefur sett sér. Skólaárið 2014 gekk mjög vel. Vinnunni við innleiðingu nýrrar aðalnámskrár lauk og kennir nú MB alfarið samkvæmt aðalnámskrá framhaldsskólanna. Þá var áfram unnið að innleiðingu fleiri gæðagreina í gæðakerfi skólans. Af öðrum verkefnum má nefna haustviku skólans en þar var allt skólastarf brotið upp í eina viku og afrakstur vikunnar svo dreginn saman í lok vikunnar. Mikil ánægja var með þessa viku og stefnt er að því að halda slíka viku ár hvert á haustmisseri. Hér á eftir verður nánar gert grein fyrir framvindu skólastarfsins.

Áherslur og meginsvið

Menntaskóli Borgarfjarðar hefur leitast við að marka sér sérstöðu á ákveðnum sviðum. Nemendur ljúka stúdentsprófi að jafnaði á þremur árum en skólaárið er 184 starfsdagar nemenda. Formleg annarpróf eru ekki til staðar. Leiðsagnarmat er notað við námsmat í öllum áföngum. Nemendur fá endurgjöf á nám og vinnu á fimm vikna fresti á svokölluðum vörðum. Allir nemendur og kennarar eru með fartölvur og tengdir netinu í skólanum. Skólinn notast við opinn hugbúnað í námi og kennslu.

Stærð skóla, fjöldi nemenda og starfsmanna

Menntaskóli Borgarfjarðar er með samning við Borgarbyggð um leigu á 1890 fm húsnæði í Hjálmakletti að Borgarbraut 54, 310 Borgarnesi. Aðstaða skólans nær yfir átta kennslustofur, stjórnunarrými, aðstöðu fyrir kennara, mötuneyti, opin rými og félagsaðstöðu fyrir nemendur. Skólinn hefur aðgang að tónlistar- og ráðstefnusal Borgarbyggðar í sama húsnæði. Íþróttakennsla fer fram í íþróttamiðstöðinni í Borgarnesi.

Nemendur

Á vorönn 2014 voru 148 nemendur, 63 drengir og 85 stúlkur. Á haustönn 2014 innrituðust 143 nemendur, 69 drengir og 74 stúlkur. Meðaltalsfjöldi nemenda á vorönn og haustönn var 146.

Tafla 1 Fjöldi nemenda eftir kyni

	Vorönn 2014	Haustönn 2014
Fjöldi nemenda	148	143
Stúlkur	85 (57%)	74 (52%)
Drengir	63 (43%)	69 (48%)

Tafla 2 og 3 sýna hvernig nemendur skiptust eftir búsetu og aldri á vor- og haustönn. Flestir nemendur skólans koma úr Borgarbyggð.

Tafla 2 Búseta nemenda

Lögheimili	Vorönn 2014	Haustönn 2014
Borgarbyggð	85%	80%
Vesturland	9%	10%
Utan Vesturlands	6%	10%

Tafla 3 Aldur nemenda

Fæðingarár	Vorönn 2014	Haustönn 2014
1999		7%
1998	5%	20%
1997	23%	22%
1996	22%	20%
1995	16%	6%
1994	12%	8%
1993	6%	3%
Fyrir 1993	16%	14%

Brottfall MB er skilgreint sem það hlutfall nemenda sem hefur nám við skólann í upphafi annar og hættir áður en önn lýkur. Brottfall nemenda skólaárið 2014 var 6,5%. Brottfall samkvæmt áfangalistum var að meðaltali 1,4% á árinu 2014. Nýtingarhlutfall hópa miðað við 25 nemendur í bóklegum greinum og 15 í list- og tölvugreinum var 72%.

Námsframboð og skipting nemenda á brautir er sett fram í töflu 4.

Tafla 4 Námsframboð og skipting nemenda á brautir

Námsframboð	Skipting á brautir á vorönn 2014	Skipting nemenda á brautir á haustönn 2014
Félagsfræðabraut	75	55
Félagsfræðabraut-íþróttasvið	10	13
Náttúrufræðibraut	26	26
Náttúrufræðibraut-íþróttasvið	8	15
náttúrufræðibraut-búfræðisvið	4	7
Almenn braut	1	1
Framhaldsskólabraut	7	7
Starfsbraut	9	6
Grunnskólabraut	7	10
Opin braut	0	1
Viðbótarnám til stúdentsprófs	1	2
Alls	148	143

Starfsfólk

Við skólann starfa 26 starfsmenn. Stöðugildi alls eru um 17,5. Við skólann starfa kennarar, skólameistari, aðstoðarskólameistari, fjármálastjóri, umsjónarmaður starfsbrautar, umsjónarmaður dreifnáms (Búðardal), námsráðgjafi, skólafulltrúi, tölvuumsjónarmaður, stuðningsfulltrúi, matráður, ræstitæknir og húsvörður. Ekki urðu miklar breytingar í starfsmannahópnum en nýr skólameistari, Guðrún Björg Aðalsteinsdóttir, tók við starfinu af fyrri skólameistara, Kolfinnu Jóhannesdóttur, að hausti 2014.

Tafla 5 Skipting kennarahópsins eftir aldri og kyni árið 2014

Aldur í árum	í Fullu starfi		Í hlutastarfi	
	Karlar	Konur	Karlar	Konur
20-29	0	0	0	0
30-39	1	0	0	0
40-49	2	2	1	2
50-59	0	1	1	2
60-69	0	0	0	1
Samtals	3	3	2	5

Tafla 6 Menntun kennara

Menntun kennara	Fjöldi
PhD próf	1
MA/MSc/MEd	4
BA/BSc/BEd	8

Framkvæmd markmiða

Helstu markmið skólasamnings

Lokið var við að innleiða aðalnámskrá í allt starf skólans og setja endurskoðaðar og nýjar námsbrautir og áfangalýsingar í námskrárgrunninn. Markmið skólasamnings var einnig að efla gæði kennslunnar m.a. með að auka notkun kennara á kennslukerfi skólans (Moodle) í 75%. Niðurstöður kennslumats leiddu í ljós að þetta markmið hafi náðs auk þess sem stjórnendur MB voru almennt mjög ánægðir með niðurstöður kennslumats, sem er stór þáttur í gæðastarfi skólans. Sett var markmið um húsnaðislausnir fyrir nemendur en um haustið 2014 festu Borgarbyggð og Menntaskóli Borgarfjarðar kaup á nemendagörðum undir nafni Nemendagarða MB ehf. Stefnumótunaryvinnan sem hófst haustið 2013 með fundum starfsfólks og nemenda hélt áfram.

Á þessum fundum var farið í svot greiningu ásamt því sem áhersla var á greiningu á sérstöðu skólans og mótun framtíðarsýnar. Úrvinnsla á niðurstöðum framangreindrar vinnu hefur verið lokið.

Áætlun um sjálfsmat skólans var áfram fylgt eftir og tveir nýir gæðagreinar innleiddir. Haldnir voru matsfundir um ákveðna þætti í skólustarfinu.

Námskrárvinnunni lokið.

Dreifnám í Búðardal

Samningur við Dalabyggð um rekstur framhaldssdeildar í Búðardal var framlengdur. Níu nemendur stunduðu nám við deildina að meðtöldum nemendum grunnskólans í Búðardal og tveggja skiptinema. Starfsmaður var ráðinn áfram til að hafa umsjón með deildinni og sinna þörfum nemenda eftir atvikum.

Nemendagarðar

Skólinn rak áfram nemendagarða fyrir nemendur skólans á vorönn. Framlengdur var samningur við Farfuglaheimilið í Borgarnesi um leigu á herbergjum handa nemendum. Auk þess leigði skólinn herbergi af fjölskyldum í Borgarnesi til endurleigu handa nemendum. Fyrir haustönnina festi MB ásamt Borgarbyggð kaup á tveimur íbúðum undir nafni Nemendagarða MB ehf. Hvor íbúð fyrir sig rúmar fjóra nemendur, stráka og stelpur í sitt hvorri íbúðinni. Nemendagarðarnir voru fullnýttir á haustönn 2014.

Heilsueflandi skóli

Menntaskóli Borgarfjarðar er þátttakandi í verkefninu heilsueflandi framhaldsskólar. Markmiðið með verkefninu er að stuðla markvisst að velferð og góðri heilsu framhaldsskólanemenda. Áherslan var á geðrækt og lífsstíl árið 2014. Sérstakur verkefnishópur heldur utan um verkefnið.

Kennsluhættir og námsmat

Kennsla var með hefðbundnum hætti á árinu 2014. Árlegur starfstími er 184 dagar og skólaárið skiptist í tvær annir, vor- og haustönn sem hvor um sig er 92 dagar. Kennarar skólans eru vel menntaðir og fastráðnir kennarar eru allir réttindakennarar. Í tengslum við rekstur framhaldsskóladeildar í Búðardal er notaður hugbúnaður sem nefnist Lync en auk þess er notast við google hangout. Nemendur í dreifnámi fylgdust með kennslu í gegnum þennan hugbúnað. Áframhaldandi styrkur fékkst til að halda úti íslenskukennslu fyrir nemendur af erlendum uppruna.

Skólinn býður upp á nám á tveimur brautum til stúdentsprófs, náttúrufræðibraut og félagsfræðabraut. Nemendur geta valið um ípróttasvið á félagsfræðabraut og ípróttasvið og búfræðisvið á náttúrufræðibraut. Skólinn bauð einnig upp á framhaldsskólabraut og starfsbraut. Skólinn leggur mikla áherslu á verkefnavinnu og persónuleg tengsl við nemendur.

Námsmat í MB byggist fyrst og fremst á leiðsagnarmati en formleg annarpróf í lok anna eru ekki til staðar. Vinna nemenda er metin jafnóðum allan námstímann. Megintilgangur leiðsagnarmats er að gera nemendur meðvitaða um það sem þeir læra, hvernig þeir læra og hvað er ætlast til af þeim. Leiðsagnarmat byggist því á góðri endurgjöf frá kennurum sem nemendur geta nýtt sér til að verða meðvitaðir um eigin námsframvindu. Kennari veitir hverjum nemanda um sig almenna umsögn og leiðbeiningar um gengi nemandans í áfanganum á svokölluðum vörðum, eða með öðrum, sambærilegum hætti, án þess að einkunn fylgi með. Vörður eru þrisvar á önn.

Stjórnun

Ný stjórn Menntaskóla Borgarfjarðar var skipuðu í ágúst árið 2014, Vífill Karlsson formaður, Sigríður Guðbjörg Bjarnadóttir, Inga Björk Bjarnadóttir, Sigursteinn Sigurðsson og Þóra Geirlaug Bjartmarsdóttir. Skólanefnd Menntaskóla Borgarfjarðar skipa sömu einstaklingar og sitja í stjórn skólans en að auki sitja þar fulltrúi foreldra, Þórdís Arnadóttir, fulltrúi nemenda, Herdís Ásta Pálsdóttir og fulltrúi kennara, Anna Guðmundsdóttir. Foreldraráð starfar við skólann og var kosin ný stjórn á haustdögum. Í dag skipa foreldráð þau Þórdís Arnadóttir, Arna Pálsdóttir og Sigurbór Kristjánsson. Nemendafélag skólans skipa frá hausti Herdís Ásta Pálsdóttir formaður, Helena Rós Helgadóttir gjaldkeri, Alexandra Rut Jónsdóttir ritari, Ingibjörg Jóhanna Kristjánsdóttir skemmtanastjóri og Ingibjörg Melkorka Ásgeirsdóttir meðstjórnandi. Skólaráð skipa auk skólameistara og aðstoðarskólameistara, Alexandra Rut Jónsdóttir nemandi, Þóra Árnadóttir kennari og Ívar Örn Reynisson kennari.

Rekstur og fjármál

Rekstur skólans er í mjög góðu jafnvægi. Tekjur skólans á árinu 2014 stóðu vel undir rekstri en gripið var til aðgerða til að tryggja það. Aðstaða til náms og kennslu er mjög góð.

Samstarf við aðra

Menntaskóli Borgarfjarðar á í margvíslegu samstarfi bæði við nærsamfélagið, stofnanir og fyrirtæki. Menntaskóli Borgarfjarðar og Fjölbrautaskóli Snæfellinga eru í samstarfi um vistun og þjónustu við kennslukerfið moodle. Menntaskóli Borgarfjarðar er í samstarfi við Fjölbrautaskóla Snæfellinga um skólaþróun og hafa skólarnir komið á reglubundnum heimsóknum starfsmanna sín á milli. Menntaskóli Borgarfjarðar er í samstarfi við fyrirtæki í nærsamfélaginu um verknám nemenda á starfsbraut. Héraðsbókasafn Borgarfjarðar þjónustar nemendur skólans mjög vel ásamt því sem lítið safn handbóka og fræðibóka er til í skólanum. Samstarf MB við tvo skóla á Norðurlöndunum, Nils Fredriksson-utbildning í Svedala og Calmare International School í Kalmar í Svíþjóð heldur áfram. Skólarnir skiptast á heimsóknum nemenda og kennara og vinna saman að öflun styrkja til þróunarverkefna í tengslum við heimsóknir skólanna.

Borgarnesi 25. febrúar 2015

Guðrún Björg Aðalsteinsdóttir